

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj : 43/20

Sarajevo, 22.07. 2020. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća u postupku javne nabavke br. 43/20 "Usluge kreditnog zaduženja - revolving kredit u iznosu od 1.500.000,00 KM", donosi:

O D L U K A
o izboru najpovoljnijeg ponuđača

Član 1.

Prihvata se Odluka Uprave o izboru najpovoljnijeg ponuđača broj 25-02/20 od 02.07.2020. godine i ugovor za javnu nabavku usluga: "Usluge kreditnog zaduženja - revolving kredit u iznosu od 1.500.000,00 KM " – tender broj 43/20 dodjeljuje se ponuđaču: " Raiffeisen Bank " d.d. Sarajevo, ponuda broj IP-13-20-5-1-1-IG za ponudenu cijenu od 25.720,00 KM bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču " Raiffeisen Bank " d.d. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 43/20 od 20.05.2020. godine.

Javna nabavka je provedena putem otvorenog postupka.

Procijenjena vrijednost javne nabavke za iznosi 45.000,00 KM.

Obavještenje o nabavci broj : 247-1-2-44-3-170/20 poslato je na objavljivanje na Portal javnih nabavki dana 22.05.2020. godine., Ispravka za obavještenje o nabavci broj 247-1-2-44-8-179/20 poslano na objavljivanje na Portal javnih nabavki dana 29.5.2020 godine, a sažetak obavještenja o nabavci je objavljen u Sl. glasniku BiH broj 30. od 29.5.2020 godine i ispravka za obavještenje o nabavci br. 31. od 05.6.2020 godine.

Komisija konstatuje da je na osnovu Obavještenje o nabavci broj 247-1-2-44-3-170/20 od 22.5.2020 godine, Ispravka za obavještenje o nabavci broj 247-1-2-44-8-179/20 od 29. 5. 2020 godine proveden postupak javne nabavke putem otvorenog postupka te je izvršeno javno otvaranje ponuda dana: 16. 6. 2020 godine u 14:45 sati, a što je konstatovano zapisnikom sa otvaranja ponuda br. 43/20.

Za predmetnu javnu nabavku dostavljene su četiri (4) ponude ponuđača:

1. Ponuđač: „Raiffeisen Bank“ d.d. Bosna i Hercegovina
2. Ponuđač: „Intesa Sanpaolo Banka“ d.d. Bosna i Hercegovina
3. Ponuđač: „Union Banka“ d.d. Sarajevo
4. Ponuđač: „UniCredit Bank“ d.d. Mostar

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonom predviđenom roku.

Nakon izvršenog otvaranja ponuda Komisija je dana 17.6.2020 godine., pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.) i cjelovitosti odnosno potpunosti ponuda.

Komisija je utvrdila da dostavljene ponude ponuđača „Raiffeisen Bank“ d.d. Bosna i Hercegovina, „Intesa Sanpaolo Banka“ d.d. Bosna i Hercegovina, „Union Banka“ d.d. Sarajevo i „UniCredit Bank“ d.d. Mostar ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač	Ponuđač	Ponuđač	Ponuđač
		„Raiffeisen Bank“ d.d. Bosna i Hercegovina	„Intesa Sanpaolo Banka“ d.d. Bosna i Hercegovina	„Union Banka“ d.d. Sarajevo	„UniCredit Bank“ d.d. Mostar
1.	Tačka: 13 TD: Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3.	DA	DA	DA	DA
2.	Tačka 14.3 TD: a) Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA	DA
3.	Tačka 14.3 TD Ovjerena kopija (Sud, Opština ili notar) važeće Dozvola za rad izdate od stane Agencije za bankarstvo	DA	DA	DA	DA

Ponudač „Raiffeisen Bank“ d.d. Bosna i Hercegovina u dostavljenim Izjavama čl. 45. i 52. nije naveo broj Službenog glasnika BiH. Prema mišljenju Komisije nepopunjavanje broja Službenog glasnika BiH u Izjavama, čl. 45. i 52. u konkretnoj nabavci ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan naziv predmeta nabavke kao i naziv ugovornog organa.

Ponudač „UniCredit Bank“ d.d. Mostar u dostavljenim Izjavama čl. 45. i 52. nije naveo broj Službenog glasnika BiH. Prema mišljenju Komisije nepopunjavanje broja Službenog glasnika BiH u Izjavama, čl. 45. i 52. u konkretnoj nabavci ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan naziv predmeta nabavke kao i naziv ugovornog organa.

Komisija konstatuje da ponuđači „Raiffeisen Bank“ d.d. Bosna i Hercegovina, „Intesa Sanpaolo Banka“ d.d. Bosna i Hercegovina, „Union Banka“ d.d. Sarajevo i „UniCredit Bank“ d.d. Mostar ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtijevana dokumentacija/aneksi-prilozi	Ponudač	Ponudač	Ponudač	Ponudač
		„Raiffeisen Bank“ d.d. Bosna i Hercegovina	„Intesa Sanpaolo Banka“ d.d. Bosna i Hercegovina	„Union Banka“ d.d. Sarajevo	„UniCredit Bank“ d.d. Mostar
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA	DA	DA	DA
2.	Tačka: 16 TD: pod brojem 1. Obrazac za ponudu – Aneks II; Prilog 1.	DA	DA	DA	DA
2.1	Tačka: 16 TD: pod brojem 1.1 Popis dokumenata uz ponudu koji čini sadržaj ponude – Aneks II; Prilog 1	DA	DA	DA	DA
3.	Tačka: 20 TD: Obrazac za cijenu ponude – Aneks III; Prilog 2	DA, nije u skladu sa zahtjevima iz TD	DA	DA	DA
4.	Tačka: 31 i 36 TD: Nacrt ugovora o javnoj nabavci – Prilog 7.	DA	DA	DA	DA, međutim na istom su vršene korekcije
5.	Tačka: 43 TD: Povjerljive informacije – Prilog 5.	DA	DA	DA	DA

Pregledom ponuda utvrđeno je sljedeće:

Ponudač „UniCredit Bank“ d.d. Mostar je izvršio korekcije u dostavljenom "Nacrtu ugovora o javnoj nabavci" – Prilog 7 i to:

- U uvodnom dijelu nacrta ugovora o javnoj nabavci pod 2. Riječ "direktor" je precrtana, a dodano je "član uprave za maloprodaju".
- U članu 4. Nacrta ugovora o javnoj nabavci izvršena je korekcija definisane redovne, godišnje, fiksne Kamatne stope na način da je prekrizio 3%, a upisano je 1,89%.

- U članu 5. Nacrta ugovora o javnoj nabavci "Naknada" je precrtao sljedeće "iznosa odobrenog kredita" i dodao "1.000,00 KM jednokratno". Isti je bio obavezan naknadu za obradu zahtjeva za kredit iskazati u procentima.

Komisija je konstatovala da ponuđač „UniCredit Bank“ d.d. Mostar nije postupio u skladu sa tačkom 17.1 TD „Način izrade ponude“ koja definiše da Ponuđači pripremaju ponudu u skladu sa uputstvima i zahtjevima iz ove tenderske dokumentacije. Ponuđači su obavezni ponude pripremiti na anexima (obrascima) i prilogima koji su sastavni dio tenderske dokumentacije. Sadržaj anexa (obrazaca) i priloga iz tenderske dokumentacije se ne smije mijenjati.

Obzirom da ponuđač „UniCredit Bank“ d.d. Mostar nije postupio u skladu sa zahtjevima iz tenderske dokumentacije to se ponuda ponuđača „UniCredit Bank“ d.d. Mostar u skladu sa članom 68. stav (4), tačka i) Zakona o javnim nabavkama odbacuje kao neprihvatljiva, te ista nije bila predmet daljeg razmatranja.

Također, utvrđeno je da je ponuđač „UniCredit Bank“ d.d. Mostar u svojoj ponudi dostavio Izjavu broj 06-02-SUCB-81-1/20 od 15. 06. 2020 godine kao i "Prijedlog obrasca ugovora/nacrta". U dostavljenoj Izjavi je naveo da dostavlja tekst ugovora o kreditu koji je Banka u obavezi koristiti, a sve u skladu sa Zakonom o bankama u FBiH i podzakonskim aktima Agencije za bankarstvo FBiH.

Komisija je konstatovala da je ponuđač postavio pitanje koje se odnosilo na mogućnost izmjene ugovora o javnoj nabavci koji sastavni dio tenderske dokumentacije. Istom nije data saglasnost za izmjenu Ugovora o javnoj nabavci te je ugovorni organ ostao kod definisanog modela u tenderskoj dokumentaciji.

Ugovorni organ nije previdio mogućnost izmjene anexa i priloga koji su sastavni dio tenderske dokumentacije i nije ostavio mogućnost ponuđačima da ponude svoje "Prijedloge ugovora", jer bi to značilo anexiranje ugovora koje prema Zakonu o javnim nabavkama nije dopušteno.

Pregledom ponude ponuđača „Raiffeisen Bank“ d.d. Bosna i Hercegovina Komisija za javne nabavke je konstatovala da je isti u dostavljenom Obrascu za cijenu ponude Anex III; Prilog 2, na strani 9, nije u potpunosti popunio rubriku pod rednim brojem 5. „Broj i datum ponude“, odnosno ponuđač nije naveo datum ponude, već samo broj ponude. Također, i na strani 10. ponude ponuđač je naveo naziv ponuđača i broj ponude ali nije upisao datum ponude.

Nepopunjavanjem navedene rubrike na zahtjevani način iz tenderske dokumentacije traženim podacima ponuđač „Raiffeisen Bank“ d.d. Bosna i Hercegovina nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i čini sastavni dio tenderske dokumentacije. Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio.

Obzirom da ponuđač „Raiffeisen Bank“ d.d. Bosna i Hercegovina nije postupio u skladu sa zahtjevima iz tenderske dokumentacije to se ponuda ponuđača „Raiffeisen Bank“ d.d. Bosna i Hercegovina u skladu sa članom 68. stav (4), tačka i) Zakona o javnim nabavkama odbacuje kao neprihvatljiva, te ista nije bila predmet daljeg razmatranja.

Komisija konstatuje da su ponuđači „Intesa Sanpaolo Banka“ d.d. Bosna i Hercegovina i „Union Banka“ d.d. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača „Intesa Sanpaolo Banka“ d.d. Bosna i Hercegovina potpisana od strane podnosioca ponude i ovjerena pečatom ponuđača, te ima broj i datum dok je ponuda ponuđača „Union Banka“ d.d. Sarajevo, potpisana od strane opunomoćnika Mirsada Šutrovića, po punomoći broj OPU-IP 374/16 od 28. 6. 2016 godine.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponuda ponuđača „Intesa Sanpaolo Banka“ d.d. Bosna i Hercegovina i „Union Banka“ d.d. Sarajevo konstatovano je da u ponudama navedenih ponuđača nema grešaka računске prirode.

Konstatovano je da ponuđači „Intesa Sanpaolo Banka“ d.d. Bosna i Hercegovina i „Union Banka“ d.d. Sarajevo su dostavili Potvrdu o primjeni preferencijalnog tretmana domaćeg.

Tačkom 25. tenderske dokumentacije nije je predviđeno provođenje e-aukcije.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Primjenjujući zadate kriterije, izvršena je analiza prihvatljivih ponuda prema kriteriju za izbor ponude:

R.Br.	Ponuđač	Cijena iz ponude bez PDV-a u KM	Popust i sl.	Cijena sa popustom u KM	Preferencija lni tretman domaćeg	Cijena sa popustom umanjena za preferencijal ni tretman (umanjena za 5%)	Ukupno bodova	Redoslijed ponuda po broju bodova
1.	„Union Banka“ d.d. Sarajevo	30.787,81 KM	-	30.787,81 KM	DA	29.248,42 KM	100	1
2.	„Intesa Sanpaolo Banka“ d.d. Bosna i hercegovina	32.250,00 KM	-	32.250,00 KM	DA	30.637,50 KM	95,46	2

Nakon izvršenog vrednovanja ponuda prema utvrđenom kriteriju, izvršeno je rangiranje prihvatljivih ponuda prema kriteriju za izbor ponude. Redoslijed ponuda je sljedeći:

Rb.	Ponuđač	Redoslijed ponuda
1.	„Union Banka“ d.d. Sarajevo	1
2.	„Intesa Sanpaolo Banka“ d.d. Bosna i Hercegovina	2

Za najpovoljniju ponudu ocjenjena je ponuda ponuđača „Union Banka“ d.d. Sarajevo.

Komisija jednoglasno daje prijedlog Ugovornom organu da za pružanje usluga: „Usluge kreditnog zaduženja – revolving kredit u iznosu od 1.500.000,00 KM“ – tender broj 43/20, donese Odluku o dodjeli ugovora ponuđaču: „Union Banka“ d.d. Sarajevo, broj ponude: 1/3-5414/20 od 16. 6., 2020 godine, kao prvoplasiranom na rang listi, čija vrijednost ponude iznosi: 30.787,81KM bez PDV-a.

Međutim, Uprava je odbila Preporuku Komisije o izboru najpovoljnije ponude i dana 02.07.2020.god donijela Odluku kojim se za najpovoljnijeg ponuđača u postupku javne nabavke br. 43/20 odabire ponuda "Raiffeisen Bank" d.d. Sarajevo broj IP-13-20-5-1-1-IG čija vrijednost ponude iznosi 25.720,00KM bez PDV-a.

U obrazloženju Odluke je navedeno da razlog za odbijanje ponude ponuđača "Raiffeisen Bank" d.d. Sarajevo u kojem je navedeno da: "u dostavljenom Obrascu za cijenu ponude Anex III; Prilog 2, na strani 9, u kojem nisu u potpunosti popunjene rubrike pod rednim brojem 5. „Broj i datum ponude“, odnosno ponuđač nije naveo datum ponude, već samo broj ponude. Također, i na strani 10. ponude ponuđač je naveo naziv ponuđača i broj ponude ali nije upisao datum ponude", je manje odstupanje i da takav propust/greška bitno ne udaljava od zahtjeva utvrđenih u tenderskoj dokumentaciji te da nije takve prirode da bi se ponuda navedenog ponuđača odbacila te je shodno tome donijela odluku kao u dispozitivu.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđaču
- a/a



Direktor ✓

Enver Hadžiahmetović, dipl.ing.maš.